

四庫全書

經部

欽定四庫全書

經部

周易洗心卷四

詳校官監察御史臣盛嘉祐

通政使司副使臣莫瞻菴覆勘

總校官降調編修臣倉聖脉

校對官中書臣高 中

謄錄監生臣朱 坤

欽定四庫全書

周易洗心卷四

宗人府府丞任啟運撰

周易下經 彖辭傳下 大象傳下 小象傳下

革 ䷰

錯蒙

綜鼎

上易睽 互姤

初九變咸

六二變夬

九三變隨

九四變

既濟

九五變豐

上六變

同人

革已日乃孚元亨利貞悔亡

遇卦下離上兑火炎則澤竭澤漏則火滅兩相革除

故曰革已離所納已坤土位西金北水東木南火皆已坎離中而離得坤中代坤用事得兌陰終與也相對啟以坤之四德全與之相剋宜有悔相孚則悔亡矣卦以二爻上爻為用而生二者離乃坤中交乾全坤之德在此全乾之用亦即在此故爻於五乾體皆曰有孚見此坤之德盡乾而孚之也

革水火相息二女同居其志不相得曰革

以卦象釋卦名坎水行兌

水止故同一水火不如水火之既濟而至於相滅而離兌二女又不若巽風離火之相煽兌澤巽木之相資并不得炎澤怒火之在下使不得降不至澤竭火滅不止也

已日乃孚革而信之文明以說大亨以正革而當其悔

乃亡

一本无之字。就內體言則已為信信而後革則

宜而說又不顯其變革之迹如是則以坤體之常妙乾健之用而大亨以正其革孰有不當者哉蓋必有悔於前而後用革革而不當將不勝悔也故必革而當其悔乃亡

天地革而四時成湯武

革命順乎天而應乎人革之時義大矣哉

革陽者陰革陰者陽天地

之革宜各居其半而後天八卦坤居西南次離之下乾居東北在坎之前而次兌之下似乎稍偏而非偏也陽先陰後乾生坤成陽生於坎中之子陽先故以乾居其前陰生於離中之午陰後故以坤次其下此正四時之所以成也禪受之革命由天征誅之革命則以人然商尚白以兌金革夏周尚赤以離火革商禪授順而生征誅逆而克皆天運之自然天之時陽舒而陰促聖之乘時用義以成仁其時不誠大哉

澤中有火革君子以治歷明時

歷虞李作歷○古者校時以大火為驗火昏正

而暑極晨正而寒極以辰月出於東以戌月入於西離火入西兌下此變革之方故造歷必於戌月因變革以明時也日有十二時為出作為入息歲有十二月為東作為西成歷之治明此而已

初九鞏用黃牛之革

離得坤中為黃牛上下兩陽牛革象○離主二兌主上火澤相革是

分爭也爭而无主革何以成互體有乾為革命之主二與上之各用其能者相夾輔之初在革初出二用外若无事然然誠信者變革之本故先言鞏用黃牛不可以純一若初者其固殆黃牛之革矣

有為也

言非其才无利用特當革初不可以有為耳

○六二已日乃革之征吉

无咎

此爻成卦之主故以已日乃孚專屬之若伊尹之朕載自毫專於革之任者也征吉若幡然應聘无

咎若咸  
有一德

已日革之行有嘉也

信在行先故行无不吉伊尹說湯伐桀而人不疑亦

惟天下弗顧千駟弗視一介弗取與之素孚於人耳

○九三征凶貞厲革言三就

有孚

革象同初互巽為繩就象離數三凡卦有離者多以三言之○承上言已日乃革其征吉矣而亦有多

凶者以正得危若湯有夏臺文有美里之厄也必如皮革之就反覆固結若湯五致伊尹於桀文王三分有二

以服事殷然後非富天下之心人共信之也

革言三就又何之矣

誠信之極无可復加

然後變而改革不得已也○此一又革道之始

○九四悔亡有孚改命吉

四為互乾

之中真革而當者故以悔亡屬之言悔亡而元亨利貞可知矣有孚改命所謂順乎天而應乎人也○文王止以水火相息言革周公以革命之主屬之改命之吉信互乾乾為天為君為父非是不足當之也

志也

非富天下之志人皆信之。此一爻正革之事。

九五大人虎變未占有

孚

虎兌象。乾九五曰飛龍。此曰虎變者。自兌而互乾。且湯武征誅用威故也。其有孚久不待占而知其化。

國而天下矣。

大人虎變其文炳也

炳明著之極。若所云用爽。殿師會朝清明者。此一

爻革道之成。

○上六君子豹變小人革面征凶居貞吉

革道已成。

大人虎變而王則左右夾輔之人亦豹變而爾公爾侯即一時歸附之中有小人焉亦從而革面矣。但此爻為兌之用兌有二象為澤為金則受革於離火為澤則又思革離火當思革道已成。人皆歸命而又欲行變革之事。則必凶。惟安其居為金之從革則得正而吉。如周初蒲姑商奄再叛則征凶者也。餘皆居而貞吉矣。

君

子豹變其文蔚也小人革面順以從君也

蔚許慎作斐。李叶音盦。



蔚茂密貌虎大而著豹文密而理故楊子云豹變而  
虎小人能順以從君則居貞吉而不至征凶矣錢氏曰  
小人有順從之象即革道之成未可以豹變望之愚謂  
此亦就革道方成言之若夫久道化成則小人亦革心  
矣

鼎  


錯屯

綜革

上易家  
下人

互夬

初六變

大有

九二變旅

九三變

未濟

九四變蠱

六五變姤

上九變恒

鼎元吉亨

其卦下巽上離下畫分似趾二三四實似腹  
五虛似耳上剛似鉉有鼎之象而以巽木入

離火有似烹飪故謂之鼎鼎有重器有用器九州之鼎  
百物而為之備此重器也餘若牛鼎受一斛羊鼎受五

斗彖鼎受三斗銅鼎受一斗則用器耳胡氏煦曰有變化萬物之能故稱元有利養之德故稱吉達諸天下而不可少故稱亨愚謂渾而藏者鼎之元安而定者鼎之吉出而享者鼎之亨

鼎象也以木巽火烹飪也聖人亨以享上帝而大亨以

養聖賢

郭謂而大亨字衍非○釋卦名義而因極其用上帝指上聖賢指二中互兌口享之養之象○

於帝但曰享於聖賢曰大亨者朱子曰享帝貴誠用饋而已養聖賢則有饗飧牢禮之盛焉 巽而耳

目聰明柔進而上行得中而應乎剛是以元吉亨

楊云古皆

有吉字今脫○耳五象目離象○以卦象卦德釋卦辭卦用在初五兩爻而五居尊為卦主然所以元吉亨者亦由巽焉蓋巽本以陰來巽陽而上卦之離為目在鼎又為耳是下卦之柔上行而入耳得其聰入目得其明

也。且是聰明又得其中而應九二本乾之中則以五之  
虛行互乾之實而渾而藏者遂出而亨也。○吳氏沆曰  
柔進而上行得中而應乎剛睽與鼎同而一小事吉一  
元吉亨者以睽與鼎異之也故以同觀同見易之宗以  
異觀異見易之理異同同異盡易之體愚謂三女卦木  
火相生自元而亨澤火相克大事難吉又卦惟大有大  
壯分乾之元亨利貞鼎二女非大有匹謂行一  
吉字而刪之非也吳氏同異數言盡玩辭之法

木上有火鼎君子以正位凝命

凝程作擬非○鼎位之  
象鼎有實命之象鼎之

置者安然後可保其所容之實位之居者正然後可定  
其所受之命蓋人莫不受天地之中以生所謂命也隨  
其所居之位而各當天則所以定命也莫教趾高趙武  
視下一失其則大命傾矣豈必盡如威烈之九鼎震顯  
王鼎入泗淵然後知  
帝位失而天命去哉

初六鼎顛趾利出否得妾以其子无咎

子內子也夫於妻稱內子此指

六五巽離皆以坤從乾五居尊故為妻初居下故為妾

○互體全乾而初與五皆從之初在其下柔弱无能其

趾顛矣但此時鼎未有實則溉而傾之出其宿否未為

不利蓋六五柔中不妬不忘二之得妾以內子之賢故

也則亦可相鼎顛趾未悖也利出否以從貴也

鼎有實則不可隨而無二矣

顛此无實故猶未悖從貴為隨女君

○九二鼎有實我仇有疾不我能即

吉有實則不可顛而二本乾之中始雖昵初以為妾繼

而知其善柔足為我疾而正以御之嚴正之氣使理而

自遠我仇遂不能我近也如是則鼎不再顛而自吉矣

鼎有實慎所之也我仇有疾終无尤也

尤叶怡○不慎所止必至顛覆

我能慎之則我仇雖有疾不能即我以顛我也又何過乎 ○九三鼎耳革其行塞雉

膏不食方雨虧悔終吉

互兌指五互兌毀折故革雉離象

下故不食

亦明夷離初

又巽

兌亦不食

與三下巽初

互兌

毀之則耳

革而不可行中雖有雉膏之美而不見食也然九三為互乾之中陽必得陰乃雨今上得五下得初二陰助之

不方雨乎是雖以互兌革耳亦以互兌成雨也亦終吉矣兌陰之終也

鼎耳革失其義也

義叶俄○鼎有耳故能行而用以享帝享賢耳革則无以亨而義失矣○革以改命屬互乾此不以定鼎屬互

乾者不得五尊位不成居也然二聖賢伊呂之徒也方雨虧悔以雉膏養之不勞而王矣離五乾得坤中故卦

主○九四鼎折足覆公餗其形渥凶

形渥作刑渥鄭作劇非○應初柔故

折足五兌澤故形渥。○鍊糝食八珍之一渥厚漬也。自二至四鼎實既盈而四以應初遂折其足中之膏美盡傾以出鼎圓旋轉四面沾濡其形渥矣。大臣不職及於顛覆愧泚之狀似之。晁謂用屋誅之刑非也。古者刑不上大夫且一人失職誅及比屋何居。覆公餗信如何也。離藏已主信信宜

信如○六五鼎黃耳金鉉利貞

耳以舉鼎者指上九牛

鼎高三尺羊鼎二尺五寸餘二尺天子飾以玉諸侯飾以金。○六五為離之主所謂耳目聰明得中而應乎剛者也。鼎惟有此虛中之耳故能受上之金鉉以相舉而用以享帝享賢遂正位凝命也不惟元亨而且利貞矣。鼎黃耳中以為實也。互乾積實至於極滿非有此耳亦而得其中以其至虛行其。○上九鼎玉鉉大吉无不利至實是虛乃以為實也。

上陽剛鼎鉉象以貫五而被其中德故玉之○鼎之可舉以五之為耳而鉉乃貫以舉之是上本金鉉而以五之相受玉之也是上固以大而吉玉鉉在上剛柔接也五且用之以享帝享賢而無不利也鉉非有二何以五言金上言玉蓋耳非鉉不能舉故五有賴於上之剛而特言金鉉非耳无所受故上有賴於五之柔而特言玉君取臣之剛以有為臣得君之柔以相受其剛柔之節固若是也

震

錯巽

綜艮

互蹇

三陽卦相為終始震中必

互坎  
艮

初九  
變豫

六二變歸妹

六三變豐

九四變復

六五變隨

上六變噬嗑

兩爻變解

三爻變恒

四爻變升

五爻變井

游魂

大

歸魂 隨

震亨震來虩虩笑言啞啞震驚百里不喪匕鬯

震歸藏作虩

虩苟作愬愬言苟作語啞音呢笑聲○其卦上下皆震動之極而懼之至也虩虩虎自壁隙出盤旋不寧互艮為宮為隙為虎互坎為不寧象笑言恐懼之反震為講論為大笑象雷聲止於百里亦有所止象匕棘為之以藏牲體鬯以降神坎為棘為酒象○坤索於乾得其初陽一陽為二陰主此卦重震中互艮坎內卦之震以治已外卦之震以治人天下之理必先自治于甚小而後威足以治人故虩虩者震之本威數則玩故笑言者震之則雷發於此震及於彼故震驚百里者震之行奏假无言不怒而威故不喪匕鬯者震之安此皆其所以亨



也。○六子皆不言元。元在乾坤六子已不可見也。震坎艮三陽卦主元亨。故震坎皆言亨。鄉氏謂艮亦言亨。特今本脫一亨字。

震亨。震來虩虩，恐致福也。笑言啞啞，後有則也。震驚百里，驚遠而懼邇也。不喪匕鬯，出可以守宗廟社稷，以為

祭主也。

○郭京程子並謂出上當有不喪匕鬯句。今從之。○宗廟社稷俱艮象。○恐致福，謂以懼而致福。

能出險而有終，後有則，謂互艮之止。坎之律不過於恐懼，時而申申，天天也。遠聞其聲，故驚。近怵其威，故懼。震乾之長子，所謂帝出乎震者，常存敬畏如承大祭，不喪坎之匕鬯，故足守艮之宗社焉。

洊雷震，君子以恐懼修省。

再至曰洊。恐懼存於心，修省見於事。修克己之切，省審察。

之嚴既修矣又如省焉惟恐一私未淨此恐懼之至也  
如此則常如雷霆作於其上无時敢暇逸矣古人云對  
青天而不懼聞雷震而不  
驚豈待震至乃修省哉

初九震來虩虩後笑言啞啞吉

初與四皆震上而四震之過且互坎之陷艮之

止其德不純故以象歸之初明初為卦主也特言後見  
惟恐懼於前故可安樂於後非以怠荒而求暇逸也

震來虩虩恐致福也後笑言啞啞有則也

如是乃為有則范文正曰

先天下之憂而憂後天下之樂而樂者與○无妄屯復  
隨益皆內主震故初皆利益即噬嗑亦能止人之惡而  
无咎頤亦教人之道非果凶也然則如虩虩安往不吉哉

○六二震來厲億喪貝躋

於九陵勿逐七日得

億古或作噫貝荀作敗躋作隣○  
古人十萬至萬萬皆曰億衆大之

意離為龜見坎見則離伏故喪貝九陵陽極於九五艮  
象內震往故能躋六爻周則復故七日○蘇氏曰二陽  
震動者也四陰見震者也愚謂震之初方自乾來其號  
號專之已本无意震人而剛正之形果決之氣二已望  
而畏之謂震來矣於是盡喪所懷之資遁於互艮九陵  
之上然初非有求於二也見其恐懼以德綏之二能師  
其修省則七日而反其故居所震來厲乘剛也二自以  
喪之見不必追求而自得之矣  
剛而恐懼失次非初有意震之也○凡卦  
二多譽四多懼此震主在初二近之故懼○六三震蘇  
蘇震行无青蘇魃同復生也互坎為多青○震雷未發  
蟄虫復草芽也震來而蘇蘇然復生矣是  
天所為物與无妄者也特恐其匪正  
有青耳如其震以行之而何青乎  
震蘇蘇位不當也  
不當乘剛之位故不  
受其厲反得其生  
○九四震遂泥泥去聲○遂田間  
小道艮為徑路象

泥濕土沾濡坎為溝瀆象。○四居重震其震在外不責己而責人直行私意求逞其威殊不知互艮則止互坎則陷輕觀其武而人震遂泥未光也。○德威惟威德明惟玩之必滯而不通矣。○明光自內治生也。

求震於外陷於幽昧為能光哉。○艮篤實光輝則濟動之過宜莫若止而未光者艮坎雜撰非以止之正濟動

而以動之過陷而止於幽也。○六五震往來厲億无喪有事。○前震方往後震

又來以五視四猶以二視初其厲一也然四以二之喪貝為戒但事其所當為絕不妄為播越則其无喪以其有事也。○震往來厲危行也其事在中大无喪也。○震往來

特其危在聞震即行不暇致詳耳五不為四所驚而自修其事盖有中德故能鎮定而大无喪也楚人謀徙阪高而為賈不可似之。○二亦在中而大喪者以乘剛故然勿遂七日得則亦无喪矣。○上六震索

索視矍矍征凶震不于其躬于其鄰无咎昏媾有言

索

盡无餘之意矍矍惟直視之形變離視象。上居震極發生之意盡矣而聞四之來亦驚而矍然以視若因是而遂行其凶必矣蓋此震不能及其躬止於其五之鄰也夫何畏哉苟因是鄰之震而反躬自治恐懼修省則自勝者強終无咎矣即四示威責讓亦不過昏媾之言耳究何害哉。初之震也實故二喪貝而三无青二近而迫三緩而暇所謂懼二也四之震也虛故五无喪而上視矍五近已得其情上遠尚懼其號所謂矍遠也若五之无喪三之无青亦可謂不喪七毫者矣震索索中未得也雖凶无咎畏鄰戒也。蜀才首句作視矍矍得之。五中故得其情上不若五之中故未得情也然天下事以无所懼而敗者恒多則以鄰之戒為畏亦與鄰之中无二矣。震人務戢其威震於人務堅其守

艮 ䷳

錯兌

綜震

互解

終始艮中必

互震  
坎

初六  
一爻變賁

六二變蠱

九三變剝

六四變旅

六五變漸

上九變謙

兩爻變大畜

三爻變損

四爻變睽

五爻變履

游魂 孚中

歸魂 漸

艮艮其背不獲其身行其庭不見其人无咎

艮歸藏作  
假贖才上

重艮字觀彖傳當有之鄉謂古本上有艮亨二字今考諸本无的據未敢從。其卦上下皆艮則止之純而厚

之至也。艮於大為反身背象。互震為行。不出艮門行。處象互坎。隱伏不見象。○人之一身莫止於背。艮其背則當止而止也。其餘耳目手足各一其職而皆聽命於心。一於止則視聽持行皆无所事而不獲其身。即行其處而不出門。并家之人亦无所見。不過於止乎。故止於无咎而已。○震坎陽卦皆言亨。則艮亦宜言亨。震陽始言亨。則艮陽終宜并言利貞。而皆不言者。艮止不見其亨。而過止亦不可言正也。陸氏九淵曰：不獲其身无我。不見其人无

物語似近禰

艮止也。時止則止。時行則行。動靜不失其

時其道光明

鄒為古本下有故亨二字。○靜中有物不淪於虛動。見天則不逐於物。此動靜一原

之理如此。則時止而止。因止時行而行。亦止也。蓋道與時宜動靜不失其時。則篤實之至。輝光發焉。无不獲也。无不見也。艮止之妙如此。此釋卦名。而因極言艮止之道。○張氏曰：動而无動。靜而无靜。神也。王氏守仁曰：惡

動之心非靜求  
靜之心即動

艮其止

晁本作背蓋背本  
作北文似而悞耳

止其所也上

下敵應不相與也是以不獲其身行其庭不見其人无

咎也

釋卦辭言人一身惟背无事則背之艮乃其所耳  
至於身必有屈伸人必有來往今上下各止而不

相與雖視聽持行不失其官内外上下未踰其職亦不  
過无咎耳豈得為光明也哉○八純卦皆上下敵應然  
乾統坤坤應天坎離乾坤正交即震動巽入兌說皆有  
情焉惟此上下各止非特无相與之事并无欲相與之  
情也因不見妻豐閔无人皆凶此无  
咎者卦體本止也然重艮亦過止矣

兼山艮君子以思不出其位

兩山對峙各止其位天下  
之理即位而存位以時異

則道以時遷而思者心之動也心不能思則槁而思出  
其位則又馳蓋思稍越於位之外即道有歟於位之中



必思不出其位乃能動靜不失其時也聖人上律下襲  
一定之理即因自然之運而生故思即无思也即无思  
以為思而動靜真一原矣

初六艮其趾无咎利永貞

趾荀作止○文彖取背為象  
故公爻亦就背分之取象與咸

相似而異者咸相向艮相背也咸欲動故初即咸其拇  
艮欲止故初即艮其趾初與四在兩艮之初其止未過  
故皆以象之无咎與之而又言利永貞者當艮  
之初所為无過艮消乾故并坤之用六繫之也艮其趾  
未失正也震用在下艮用在上故震尤以初為正艮尤

其止○公以居業言故曰利永  
貞子以中道言故僅曰未失正○六二艮其腓不拊其

隨其心不快

腓荀作肥拊荀作承陸作丞王弼作拯唐  
一行許慎皆從拊○拊承也順也咸其腓

者并三而執其隨動之過也此艮其腓并不隨互震之三以動又止之過矣心為天君百體從令令股與腓不相使心豈快乎曰其心者外之使不能君也使君不能相君失正甚矣**不拊其隨未退聽也**  
○退虞作為○錢氏曰不快心病不聽耳病俱互坎象○腓不能退聽於股心豈甘退聽於腓其不快也宜

矣  
**○九三艮其限列其夤厲熏心**

列孟喜作裂非夤鄭作腴荀作腎許慎作

腫厲韓嬰作危並通熏荀作熏虞作閭亦非○限上下分界處夤脊呂相續處人之兩腎附腴兩旁腎水而夤為水中之火醫家謂之命門上交於心能動而有為生之本皆係於此乃互坎互震之交象○止之不當而艮於限且并其夤而列之不特屈伸不可為有害於身且水臟之鬱蒸為邪火至於上熏其心其危甚矣豈止心之不  
**艮其限危熏心也**  
所以熏心以艮其限之故止快已哉  
之失正其害如此○卦體敵

應不相與則濟止之過宜莫若互震之動而蕙心者非以動之正濟止而以止之過鬱而蒸也其失較震之遂泥

殆有甚焉而以視咸之明從相反而均失矣

○六四艮其身无咎

外三爻之止皆得正

者此爻在咸當心之位而此由限而上則背矣此正所謂止其所者故以象之无咎與之孟子曰仁義禮智根

於心盜於背未有不根心而能盜背者也

艮其身止諸躬也

直曰身曲曰躬言躬明身之能

曲而前異乎艮限之不可屈伸也

○六五艮其輔言有序悔亡

序虞李作孚○

咸相向并其頰舌見之艮相背見其輔而已艮其輔則言不妄發言有序發之又合其宜如此則傷易傷頰之

悔皆亡矣蓋口容止辭欲考此當止而止者也

艮其輔止以中也

姚作以正中玉作以中正

朱子謂正字衍今從虞李二本○其當止而止惟有中德故

○上九敦艮吉

三與上俱艮主

而三止之過且五坎之險震之動其德不  
純惟此又敦厚於艮明卦主之在上九也敦艮之吉以  
厚終也艮成始成終故初以永貞厚其始上以敦艮厚其終○朱氏曰貞頤蒙損大畜上皆吉皆厚終之意愚謂即剥之碩果蠲之高尚亦以厚終也

漸  
䷴

錯歸  
繇並妹

上易蠱

五  
濟

初六變

家

六二變

九三變

六四變

九五變

上九變

漸女歸吉利貞

其卦下艮上巽以巽之長女待艮之少男其歸有待故曰漸女歸如此則吉而

以順德成終又利且貞矣○卦主巽之能漸故上巽體皆吉而於艮體多成辭

漸之進也女歸吉也進得位往有功也進以正可以正

邦也其位剛得中也止而巽動不窮也

以卦體卦德釋卦辭進如晉如

升何不言漸漸之進也惟女歸為吉蓋天先乎地君先乎臣男先乎女其義固一然必彊載質士猶可以急居惟女斷不可以先男今艮男尚少巽女雖長自當安意以待之也且自否來天地不交矣而坤之三上進居四

是得位而可有功以夫婦人倫之始家正乃可正邦此乾索坤而坤上進乾之九五剛而得中巽以陰承之則其位正以承此剛中故能往而有功也夫內之艮方止而巽之從陽又動而以漸則其動安有窮乎與歸妹震之征凶正相反也

山上有木漸君子以居賢德善風俗

諸本无風字此從玉肅○山上生木

長必以漸賢學所造德心所藏其居之也宜於正風上所感俗下所成其善之也宜於入而要其必以漸則一也○升卦義略同而有異者升論其勢之所必至漸論其時之不可驟李文貞謂漸卦之義在不苟於進是也

初六鴻漸于干小子厲有言无咎

鴻雁之大者知時而飛有序未月南鄉西

月小者先至戌月鴻乃來賓最為有漸又古昏禮惟納徵用帶餘五禮皆用雁尤見女歸之漸故取象之干水涯也初居互坎下干象艮少男小子象○鴻食穀而居藪於水之涯未能飽也艮男猶少巽女未歸中饋莫由主也雖家以艮之少不能无言然小子之厲義无咎也終必待之故雖厲而心無二也

小子既厲何以无咎蓋所以有言正以其少而必待之是於義固无咎也

○六二鴻漸于磐

飲食衎衎吉

磐漢志作般訓水涯地○艮為山互坎為水般象○山下近水其地多藝稻粱鴻漸

於此有水可飲有粟可食故衍衍由艮互坎少男進為中男則漸長矣而卦陽又陰居得其中是男子而守身如處女似安養而充長之不求遽進吉之道也**飲食衍衍不素飽也**素猶徒也

可以相呼共之而不遽合欲將之以禮不為徒飽故也。卦惟此爻以陰中正得陽中正女歸之吉

惟二與五當之○**九三鴻漸于陸夫征不復婦孕不育凶利禦寇**胡氏并後陸字皆讀達程子從之朱子云當如字孕苟作乘非○艮山上又陸象倒震征不復象互坎中

實孕象又互離中虛不有象坎為寇艮止之禦寇象同鴻甫在磐而即躋於高平之陸進不以漸矣巽女之長已久而艮男至此陽氣方盈二主相接一見訴合夫之娶不以禮而陰陽易生婦之爻不以貞而猶難易起相與入於險難之地夫一行而不反婦似孕而中虛豈不凶乎惟視情欲之感若寇盜然知亡身喪家皆由於

此而三止其欲四亦保其貞則夫不征而婦不有自无不利矣。○蒙六三見金夫不有躬而上九利禦寇視女為寇而必禦之。夫征不復離羣醜也婦孕不育失其道聖人垂戒深矣。

也利用禦寇順相保也

離羣也羣醜謂衆陰陽陷陰中沒於險矣故不復交不以道失

女貞矣故不有非姤不有不可育也能禦寇者必在艮而言順相保者艮能止之巽乃順之所謂止而巽動不窮也他卦多主陽卦之用惟此少男遇長女恐情不自止故深警之。○六四鴻漸于木或

得其桷无咎

桷平枝也巽為木四以柔處下故平。○鴻指間有羅不能握枝以棲而得橫平之何

則亦可以暫息女子以夫為家于歸有日而暫留母家亦猶是也待之久而猶不遽歸女正如此有何咎乎

或得其桷順以巽也

由坤順來而成巽正進得位而可正邦者四為卦主故特以德稱之



○九五鴻漸于陵婦三歲不孕終莫之勝吉

陵之峻高於陸而无

嫌者進以漸也至此而嫁正矣同一婦而三之婦孕可醜也五之婦不孕彌端也卦陰又陽居得其女子而有丈夫之志相敬如賓豈易孕乎然終莫之勝者以終禮尊以德貴自終必孕也詩曰惟德之行大任有身終

莫之勝吉得所願也

此正所謂剛得中者已得其中則有所願人必從之矣又孰得而勝

之

○上九鴻漸于陸其羽可用為儀吉

朱子謂此陸當讀遠謂雲路也

李文貞謂遠亦非雲路當讀阿與儀韻叶錢鄧來並讀如字按卦義以巽女歸艮男磐陸陵皆艮山象非謂上進於天也讀如字為是○楊廷秀曰三自干而磐遂至於陸躁矣此自楠而陵復反於陸其位彌高其心彌下不誠足為邦國之羽儀乎干

氏寶曰婦道成母儀著矣

其羽可用為儀吉不可亂

也三之驟進而漸陸以近四而動於欲其心自亂也若

則自无寇又焉用禦

歸妹 ䷵

錯

並漸

上下易隨

互

既濟

初九變解

伏家

九二變震

伏

六三變

大壯

伏觀

九四變臨

伏

六五變兌

伏

上六變睽

伏

歸妹征凶无攸利

其卦下兌上震以震之長男見兌少

謂之歸妹始合不正其終必散故就震言其征必凶而  
就兌言亦无所利矣○震以乾初交坤為陽始兌以坤  
上交乾為陰終初陽始而上陰終此隨之所以元亨利  
貞此以陰終居陽位陽始居陰位故凶凡卦无全凶即

剋與否亦止不利而已此以凶屬  
震罪震也而不利者并及兌矣

歸妹天地之大義也天地不交而萬物不興歸妹人之

終始也

三歸妹自泰而來泰之天地交矣而歸妹之四自

判然各別此亦天地之大義也天運循環則此天地不  
交而萬物不興者亦時運之適然但天地無心可以由  
合而分即可以由分而合而人心有欲則於難合之時  
尤易苟合常此不交之地而歸妹二用猝然相遇於其中  
能勿合乎能正其始乃保其終人  
之有終全係於始不可不慎也

說以動所歸妹也征

凶位不當也无攸利柔乘剛也

以卦德卦體釋卦詞兌  
為少女婉孌可悅而震

遂欲取之是因說而動其所歸之妹乃情欲之私非夫  
地之大義矣蓋震之山三而進居四其位原不正而兌

之由四而下亦以柔來剛  
兩不正而合終必散也

澤上有雷歸妹君子以永終知敝

雷在澤中與時休息  
不輕發也雷在澤上

業已發矣凡天下事其但終之救每在始發之時君子  
永念其終即知始於不正之必救也○漸之正在巽故

曰女歸此之不正在震故曰歸妹  
歸之者震也震不歸之兌自賤耳

初九歸妹以娣跛能履征吉

震為足兌承之履象兌毀  
折故跛○天子一娶四國

諸侯一娶三國各以娣姪從大夫一娶三女亦一正而  
二媵也今三為兄主為震所歸初二皆三之娣以三之

毀折承震其足跛矣而初以剛正佐之是三  
雖跛而初固能履也以是而行亦何不吉 歸妹以娣

以恒也跛能履吉相承也

九家兄為常恒象○歸妹而  
為娣固初在下位之常而跛

之所以能履則以其剛能善承三之柔  
故也四與初正應其征也亦何凶乎  
○九二眇能視

利幽人之貞

互離為目視象兌毀折故眇○二亦娣而

歸之時已非娣也以三之毀折居互離中目又眇矣而

正不為媚悅婦德如是利幽人之貞未變常也

幽間貞

之常九二剛

中故能不變○六三歸妹以須反歸以娣

須荀陸皆作

賤者三為悅主本震所歸之妹而與四為動主相近遂

歸而遂以二之娣行使為內主也古者

娶未三月見其不可承宗廟則出之歸妹以須未當

也內主與承宗廟而可以須之賤當○九四歸妹愆期

遲歸有時

震為長男其娶宜早而何以愆期尚虛內主之位蓋始見三之可悅而歸之繼見三之以

須而疑之既審知三之跛眇乃反之而後以二之幽人歸故遲歸有時也至此而始知救焉亦已晚矣 愆

期之志有待而行也

待一作時○此正象所謂征凶者征則必凶而待則猶不至凶與象

互相發也 ○六五帝乙歸妹其君之袂不如其娣之袂良月幾

望吉

苟作既望非○震納庚庚妻一故有帝乙之妹象月互坎象○五為震中娶九二幽貞之女如昔者

帝乙所嫁之妹雖為小君其袂反不如其娣之華美蓋陽以盈為盛陰以虛為美不為既望之月而但為幾望之

月何吉如之○泰之歸妹往嫁乾也此之歸妹來嫁震也小畜之幾望危其望此之幾望幸其幾小畜已上而

此居中也 帝乙歸妹不如其娣之良也其位在中以貴行也

貴一作德。兌本以三為悅主，其貴似在三。今以二位在中，故尊尚其德，使以貴行而來正小君之位也。

○上六女承筐无實士刲羊无血无攸利

筐鄭王弼作匡血說文作

益○筐震象下兌承之。女承筐象兌羊象。五離克之士刲羊象。婦人之贄股脩榛栗皆以筐承之。女之既歸

必行承筐之禮以見於舅姑。今三既被反則雖欲承筐而无實矣。士既歸妻必刲羊以行同牢之禮。今震以三

邪媚而反歸之則雖欲刲羊而无血矣。此正彖所謂无攸利者也。

上六无實承虛筐也

无實无血兌震皆无攸利而子專言女之无實以柔乘剛者其過在三。三自以媚悅取賤於震非震有意賤之其虛自虛也。二之幽人至刲羊豈終无血哉。

豐

錯渙

綜旅

上下易

噬

互

過大

初九變

過小

孚中伏

六二變

壯大

觀伏

九三變

震

巽伏

九四變

明夷

訟伏

六五變

革

蒙伏

上六變

離

坎伏

豐亨王假之勿憂宜日中

假如字

○其卦下離上震火炎雷發其勢皆盛而木以生

火電以先雷相助尤盛故名豐假大也豐已亨矣而過盛易衰惟王則有大之道不徒為憂恤而常使始日

之中可也後天之離即先天之乾故有王象

豐大也明以動故亨

○今本作故豐此從林栗蔡杭二本以卦德釋卦詞日出於東動而

益上其亨可知

王假之尚大也勿憂宜日中宜照天下也日中

則昃月盈則食天地盈虛與時消息而況于人乎而況



于鬼神乎

以孟作稷。以卦體釋卦詞。尚猶配也。王何以假之卦象離為日而月亦受日之明以為

明日始出於震月始生象震卦以離遇震時固亨矣。但二為明主四為動主二用不相當必以離之明上配震之動使常如震之時則日方中而可以照天下乃其大之道也。夫日方山於震至互體之巽方猶未中而未幾互見日已轉西日中則是矣。月始生象震至互體之兌象猶未盈而未幾互巽月幾半缺月盈則食矣。日月為天地之大用而盈極則消虛極復息盈虛消息天地猶不能違而況人為天地之心鬼神為天地之川詎能違哉。然則所以尚大惟不盈已耳。○剝將終而復息豐極盛而將消故俱消息盈虛謙以虛而受益豐既滿而將衰故俱言天地鬼神學易之要全在於此。

雷電皆至豐君子以折獄致刑

雷明雷決電至而雷即至焉。君子折獄法電之

明致刑法雷之決亦明至而斷自從之也

初九遇其配主雖旬无咎往有尚

配鄭作妃旬荀作均劉表作鈞吳紱云當

如字。○日干之數有十滿其數曰旬每月三旬比離三爻初爻一旬象。○二為明主然虛不能自行必附上下二陽之實以行而初與四應則已遇配卦之主爻雖周徧於日之運行而无咎蓋明之往惟初以之王之尚大惟初能雖旬无咎過旬災也  
過旬之災指九三於此先示日中則是之戒  
○

六二豐其蔀日中見斗往得疑疾有孚發若吉

蔀鄭薛作菩斗

孟喜作主。○蔀席草巽為茅蔀象兌為星斗象巽為進退不果疑象離納己已主信孚象。○二為明主今以互巽如蔀草之掩日光加互兌之毀折明體益虧且日中而見斗矣蓋以二往五五非動主往不相應而疑生焉

疑則蔽之者至而暗生焉然離之孚信本在中發其孚信之心以周於上下二陽則初與四遇即二之與四遇

而吉

有孚發若信以發志也

日照天下豈茹所能蔽哉惟此相疑之心自入於茹

也二信於初如日始升纖弱不作自發其信而人皆信之天下仰其清明見日不見斗矣

○九三豐

其節日中見沫折其右肱无咎

節鄭作昧來作沫姚信作股○節蔽節入巽深而接

沫鄭作昧來作沫姚信作股○節蔽節入巽深而接震木帶象沫斗後輔星亦兌象三與初同為二股肱而

居上右肱象互兌折象○互巽更深其蔽更甚若樹之蔭不止於茹斗斗後小星而見之亦不止於見斗也如

是則右肱傷折不及初之遇主遠甚然猶无咎者二之信未嘗不發之也

豐其節不可大事

也折其右肱終不可用也

明不足以照之安能大事雖於二无二心要在三已不可

用○九四豐其蔀日中見斗遇其夷主吉同等而稍降

男離中女亦同等也而震長離中震陽離陰震上離下則等稍降初非明主而二之明附初以行是即夷之所

主也四為動主本欲得二之明而二豐蔀見斗不免疑焉今得初以為夷主則即可藉以得二而吉矣豐

其蔀位不當也日中見斗幽不明也遇其夷主吉志行

也志字諸本无今從郭京○蔀所以豐惟明主與動主位不相當之故但二不當四其本明之體猶存四不

當二則震體无明直幽而不明矣所賴遇初而二之信以發志行四願得二之志亦行也○六五來

章有慶譽吉五本无明而能來二之明蓋互兌則能闢除巽木而去其蔽且澤亦能受日之光而

來其六五之吉有慶也慶集於已舉著於人要亦必有慶乃能得譽○上六

豐其屋蔀其家闕其戶闕其无人三歲不覿凶

豐說文作豐

孟喜作室姚信作闕。震男得互兌巽二女家人象雷風恒雷澤歸妹皆夫婦。陰居豐極不知日昃之戒且

極震木以豐其屋至巽蔀之甚并其家而蔀之未嘗无巽兌之家人而離明盡蔽至三歲尚不能覿也豈不凶

哉豐其屋天際翔也闕其戶闕其无人自藏也

際鄭讀

王孟李作祥藏鄭王俱作戕。望其屋鳥革葦葦飛猶然高及天際也而人安在矣是非无人自處尊貴不欲求明遂昏敗至此耳知消息盈虛之道者可不以是為炯戒乎

旅  錯節

綜豐 上下易賁

互 過大

初六變離

坎伏

六二變鼎

屯伏

九三變晉

震伏

九四變艮

兌伏

六五變遯

臨伏

上九變過

小

孚中伏

旅小亨旅貞吉

其卦下艮上離火在山上暫留而不久如行旅之暫寓而即行故名旅上離行

旅之人柔得中故小者亨下艮旅寓之地剛得正故貞者吉

旅小亨

石碯謂二字衍

柔得中乎外而順乎剛止而麗乎明是

以小亨旅貞吉也旅之時義大矣哉

以卦體卦德卦辭釋卦詞豐之離為

主乎內而正今綜之在外則失其位明不若豐但柔猶得中而下順艮卦之剛則未必大亨而小者猶可亨也豐之震動乎外而盛大今綜之為艮則不能動用不若豐但剛為止主而上麗離之明則不能尚大而正者猶可吉也蓋觀遠人以其所主得中順剛猶不失已觀近者以其所為主止而麗明猶不失人則旅之事雖小而

當旅時其義又未嘗不失也

山上有火旅君子以明慎用刑而不留獄

亦言獄者因上豐卦而言

明察其情火也慎止其易山也既明且慎即決斷之而不留於獄以獄止可旅寄不可久居也然此亦謂獄之小

者若大辟可不留乎

初六旅瑣瑣斯其所

句

取災

斯郭璞作懈王弼全○瑣細貌斯猶析也詩斧以

斯之艮為小互巽為手互兌為斧手執斧以析斯象○內三爻旅之主也遠人之至當寬以待之良才小性拘

細而又細并其所居過於分析使人幾無所容則孰有願主其家者其災自取之矣○此繇豐上之豐其屋

旅瑣瑣志窮災也

事本无災意細則窮而災生矣○錢氏曰豐上不能來二之車動而上窮

乎大旅初无志麗五之明止而下窮乎細

○六二旅即次懷其資得童僕貞

童九家作僮○再宿曰信過宿曰次互巽利市懷資象艮少男篤實童僕貞象童蒙吉亦艮居艮之中與五相應正止而麗乎明者故旅人之來願止其家而不去因致利市三倍而懷資是惟以貞信下乎人如童僕之貞故也所謂得童僕貞終无尤也

艮為終○明吉之故○此終豐五雖不能來童

而有慶亦可懷資而无尤堅雖不彰利則厚矣

○九三旅焚其次喪其僮僕貞

厲

艮為門闕互巽草茅上近離火焚象又互兌毀折與艮相反喪童僕貞象居艮之上剛而不中又與

離上之剛抗不相下互巽而焚是惟自喪其童僕之貞故厲也旅之貞吉象本指三而又反喪者卦體麗乎明又不相應不能麗也旅焚其次亦以傷矣以旅與下其義喪也

艮非



自焚也。自離焚之。離之客傷而艮之主亦以傷矣。蓋艮在下為旅之主。而以陌路與人斷之於義。是自喪也。焚

宜及之矣。○綜

豐四遇夷主。○九四旅于處得其資斧我心不快。資

諸家皆作齊斧。虞作齋讀作齊。謂齊戒入廟所授黃鉞。今不從。○外三爻旅之客也。四互巽之利挾資以來。又

互兌之斧藏器以待。然而心有不快。者四與初應以其瑣瑣不相得也。

旅于處未得位也。

得其資斧心未快也。

未得所主之賢而居之故不快。若得主如二則主懷資客挾資相得。

自益彰矣。

○六五射雉一矢亡終以譽命。

離為雉艮為手以離止離射雉象自

二至五似坎弓而中二陽如二矢必亡其一乃獲雉也。譽出於衆兌口象命出於君巽命象。○五在艮上如雉

之遊於山二欲止之以艮上一陽為矢一射而五為明主遂為所留二以止而離乎明五遂以柔而順乎剛賓

主合矣由是凡口譽之與命命之實  
惟艮之成終能以之所謂旅小亨也終以譽命上逮也  
五周為明主然非五之下逮乃二  
能上逮耳明射雉者之為二也  
○上九雉焚其巢旅

人先笑後號咷喪牛于易凶

上變震木立艮山上虞離  
為鶴為飛鳥為巢象焚笑

號俱離象又離為牛。上惡三之以旅待我故見其焚  
而笑之然已亦傷故後號咷也夫離之德在柔得中而  
順乎剛所謂畜牝牛吉者也今盡失其柔中之德是以  
過剛忽易而喪其牛與艮之喪童僕貞均失矣。項氏  
曰大壯羊喪其根故无  
咎此喪牛其順故凶  
以旅在上其義焚也喪牛于易

終莫之聞也

釋文作喪牛之凶。三以陌路視上故上  
亦以陌路視三而三宜喪然上以陌路視

三則三更以陌路視上而上亦宜焚賓上俱失故賓主  
俱敗也終莫之聞求如五之譽命不可得矣。○繇豐初

遇其  
配主

巽  
䷸

錯震

綜兌

互睽

三陰卦相為  
終始巽中必

互離  
兌

初六  
一爻變

小畜  
伏豫

九二變漸

伏歸妹

九三變渙

伏豐

六四變姤

伏復

九五變蠱

伏隨

上九變井

伏噬嗑

兩爻變家人

伏解

三爻變益

伏恒

四爻變无妄

伏隨

五爻變噬嗑

伏井

游魂頤

伏大過

歸魂蠱

伏隨

巽小亨利有攸往利見大人

巽說又作聿。其卦上下皆巽則入之深而界之至

也巽上陰故曰小亨見此非大人之亨乃小之亨也小亨故初之陰且往而居四然小之亨未有不附大以為亨故必利見九五之大人卦當主重巽以申命命乃行下而辭若主上者明用在重巽也

也

鼎徐王何本俱有命乃行也句王弼本此句入註中郭吉云刊者誤中○人之與人不可過求巽入惟上

之告下必竭心之誠盡事之理使君志剛巽乎中正而與民志無間而命乃行明巽所當用也

志行柔皆順乎剛是以小亨利有攸往利見大人

以卦體釋

卦辭泛而觀之似九五剛中正而志行殊不知剛已為柔所入則非剛之志行乃剛巽乎中正而志行其志實巽之志其行實巽之行此小之所以亨而利有攸往也剛為柔所入正以柔順乎剛初四皆然此小之所以亨惟利見大人之故也聖人之曉陰而警陽者意兩見矣

隨風巽君子以申命行事

風行先後相隨於物无所不

有所事必先命之又重申之使人衆著於事之可行而後行則民樂從矣盤庚遷殷之誥周公宅洛之誥皆是

道也

初六進退利武人之貞

武人互兌象履武人亦兌○初為巽主重巽尤宜主下然未入

互體則進退不果乃其性之本然非能有為者進退志

疑也利武人之貞志治也

志疑者多惑於利害志治者一斷以是非季文子三思而

後行子曰○九二巽在牀下用史巫紛若吉无咎

巽上合下

再斯可矣分牀象重巽上下二牀此下卦下牀象史互離又象飛互兌口象○九五在上牀二在下牀二五皆陽本无事於

相巽因有初之巽在牀下者以入之初欲利往必藉二以行而二遂用互兌之口以為巽若祝之以孝告五用互離之文以為史若蝦以慈告而史巫紛若矣泛而觀之似巫史為二五所用而不知二已為初之利往用也紛若之吉得中也

二為初所用宜其凶矣而猶吉者其位得中其事原非有過所謂剛巽乎

中而志行也初絕不見有志不見有行而已利有攸往矣小之亨也如此

○九二頻巽吝亦

為初所入而位不中且處於重巽之間故遂至於頻巽史之文巫之口益煩盡喪其剛而不知可羞甚矣頻

巽之吝志窮也

人之立身莫先於志頻復者忻動於初之復而下仁即未能仁所期上也故无

咎頻巽者默移於初之界而不知志在隨人所執下也志已窮矣不可羞乎

○六四悔亡田

獲三品

互離為甲冑戈兵羅網互兌為武人皆有田象巽為鴻離為雉兌為鹿獲三品象舊說奉宗廟

供賓客充君庖亦通。九三處重巽之間且致羞吝六  
四身為重巽能无悔乎然互兌則以金之斷可治進退  
之疑而互離則又知大人之利見故悔可亡而且有三  
品之獲也初之利有攸往至此而果利矣。三自喪其  
剛故吝四善巽田獲三品有功也。初四兩柔皆順於剛  
人之剛故悔亡。

甚故有。○九五貞吉悔亡无不利无初有終先庚三日後

庚三日吉

庚震所納九五變巽故舉巽之全象以相觀  
蠱必復始故就互震推本於乾而言甲申春

木始生此但成終故就震所自藏而言庚庚秋穀告成

象左傳庚子謂○二得中而非正五并得其正故

以貞吉許之剛巽乎中正而志行四之悔亡係乎此初  
利有攸往至四而利見大人係乎此則五之悔亡无不  
利可知矣然此乃小之亨乾元之始而亨殊不可見是  
无初也无初而互離互兌皆坤之成終者不有終乎夫

五行之運生萬物者甲戌萬物者庚而五變成蠱蠱中互震震中藏庚則亦必先此庚於內三爻後此庚於外三爻盡變其卑巽之氣而後吉也蓋蠱之義終則有始不原震之藏庚則物死以終○胡氏曰後天之庚在兌由兌順數兌乾坎三位至艮由兌逆數兌坤離三位至巽來氏曰伏羲圖艮巽夾兌庚方於西言巽先於庚艮後於庚也並通九五之吉位正中也不惟得中而且得正則

剛之柔益无不利矣

○上九巽在牀下喪其資斧貞凶

上居上牀之上其位

極高而有巽在牀下者且能以諸陽巽之上益泰然而不知巽中所自懷之資并互兌所有之斧皆已為在牀下者所竊而盡喪之也如此則雖正而亦為凶矣巽在牀下上窮也喪其資斧

正乎凶也

三志以窮而未居上故止吝耳至上而人之巽之者至於无可加之受人巽者至於无



可謝泰然於位而不知剛之盡喪如此而猶曰正乎其為凶也必矣○巽木以一陰順陽而能使陽盡失其為陽陰之入也如此故君子慎之不然一為所入而三之志窮於界上之志窮於抗其抗非陽之抗乃巽之究為躁卦也心无主宰而漫為人所入界之與抗其失益均焉爾

兌

錯艮

綜巽

互

家人

三陰卦相為終始兌中必

互巽  
離

初九  
一爻變困

伏

九二變隨

伏

六三變夬

伏

九四變節

伏

九五變歸妹

伏

上六變履

伏

兩爻變萃

伏

三爻變咸

伏

四爻變蹇

伏

五爻變謙

履

游魂小過

歸魂

歸妹

兌亨利貞

亨字疑衍。其卦上下皆兌，柔之極而悅之至也。有言謂之說，无言謂之兌。兌為口舌而

不名說，見說不在言也。巽離兌皆得坤之一體而離得其故最吉。巽得其順，兌得其柔，故遞次之。巽不言貞，陰方始也。離兌言貞，陰有終也。巽言小亨，見小之亨。巽於震之亨也。離言利貞，亨惟利貞乃成。其亨也，兌言亨利貞者，巽之小亨至此乃利貞矣。子象傳不言亨，見兌實无所謂亨也。

兌說也剛中而柔外說以利貞是以順乎天而應乎人

說以先民民忘其勞說以犯難民忘其死說之大民勸

矣哉

上爻天位三爻人位陽君陰民三之民毀折於中勞役象上之民附決於外死戰象。以卦德卦體

釋卦辭兌本乾質剛尚居中柔自坤來止居於外其本體固利貞也且陰之來原以說陽說以行其利貞其在上者順矣其在三者應人則說者正坤用六於乾之大用民知君之勞我正以逸我死我正以生我則不待上之勸之而自勸即勞與死亦忘之矣極說之大而言之巽不言大坤初用其六猶未大也卦當主陰尤主上陰而三不當上未先者陰極於上无能為也卦得其全又得其偏也○用陰之卦離多吉中也巽次之女長且能下也兌上无吉者女少而在上且多言婦有長舌哲婦能傾城也

# 麗澤兌君子以朋友講習

兩澤相麗互相資益君子以朋友相資而交益亦猶是也

講明其理習熟其功既講之又習之溫故可以知新即此可以通彼而又合朋友以証明其是講去其非擇善愈精矣多言君子所戒惟朋友講習君子以之若羣居終日言不及義不可謂朋不可謂講也

初九和兌吉

兌說之初未有私繫故和而吉自二以和上離巽離撰則各有私繫未必能和矣

兌之吉行未疑也

至三五巽則進退不果而有疑初又上行接二之陽同德无疑也

九二孚兌吉悔亡

離藏己已為信信華之疑初九離離之○二與三之互巽相接豈能无疑疑

則有感志而悔生矣幸其剛中且互離能以孚信自守故不為三所惑而悔亡

孚兌之吉信志

也

孚信在中自无感志○此卦上兌下兌而上體互巽愈加陰柔之疾不如下體互離猶可藉其明以為審

擇也故二五皆剛中而五之孚不免孚於剝惟二之孚能信志焉

○六三來兌凶

卦本乾也

此爻自坤而來以說二陽而九二剛中說不以道不說也其凶必矣或以外无可應故反而求說二陽或以卦

繇巽巽四猶正繇之則來在內而失正或謂內兌方盡外兌又來皆可通來兌之凶位不當

也

陰來居上原非其正或以巽系下卦為正兌柔上卦為正此非其正或以巽四正綜之失正皆可通○

九四商兌未寧介疾有喜

三不能得二之說又將求說於四而四與三五巽已為所

繫而有疑且上之引兌者又來於是商度其可說者而未寧幸其本剛且互離有明知媚說之足為我害介然

疾惡魔而去之幾感而斷大九四之喜有慶也

喜止於已慶友

於人公許之子重許之與初相應同其不疑與二互離同其信志與五同體免其孚剥豈僅一已之有喜已哉卦本以陰說陽而陽必以不受陰說為貴陰私而陽公也○九五孚于剥有厲

剥指上陰

上陰位已居極豈能剥陽而名之為剥者女少易牽而輔賴之言聽尤易入常有剛正之士而為情所牽一言之感而大節已喪者故直名之曰剥使入深警也九五位與上近幾於孚之而有剛中之德故能自惕厲不為

所引也 孚于剥厲位正當也

今本无厲字。○卦於九五言剛中故

惟兌履二卦皆以兌故也。履曰大履貞厲此曰孚於剥有厲不見於大剥二卦而見於此二卦者大剥已處於

勢之所極而履方以禮尊乾此方自坤來以情說乾絕不見其可危也。唯絕不見其可危而已。知大剥之決於

此矣。故乾於三變兌而即曰君子終日乾乾夕惕若厲无咎也。知其幾而慎其獨純之至於戒慎不覲恐懼不

聞无所為剥安用大哉

○上六引兌

引者誘而致之使彼自來也。三之來猶以身為媚上之引

但以意為招此其術更巧其情更深所以二猶能以剛

能割

上六引兌未光也

二猶互離而可見上更微密之難知此兌二陰尤主上也

渙

錯豐

綜節

上易井

互頤

初六變

中孚

九二變觀

伏壯

六三變巽

伏震

六四變訟

伏明夷

九五變蒙

伏革

上九變坎

伏離

渙亨王假有廟利涉大川利貞

渙歸藏作貞。其卦下坎上巽坎險湮鬱之氣

得巽風以散之故謂之渙其與解異者雷雨作則陰陽和而澤被於物渙則鬱雖解而物究未被其恩且渙散則物无主而亦不可以一朝居與解之震往而得衆異其巽互為艮可以止其所散坎互為震有出險之能有主器之責則以互艮立廟而奉出震之帝以假之因以濟險自无不利也蓋其才足以有為故利而其名在於繼體又正也此卦以二為主因五為用。渙為文章亦渙而卦但以難言者自剛柔始交而難生坎之時用為人也

渙亨剛來而不窮柔得位乎外而上同

以卦體釋卦辭明所以亨之故

坎之中陽本自乾來而今來居內卦上互震體足以自振是不窮也巽之下陰本自坤往而今往居四得位乎外而上同於九五之陽亦互艮而足以聚其所散此皆其所以亨也王假有廟王乃在中

也利涉大川乘木有功也

郭京云大川下當有利貞字鄭本有之王申子云此下當

脫釋利貞一節○巽五互艮以立廟而坎二互震以假之則王在廟中矣即乘互震之本以涉坎之川自必有功也其為利貞不言可知

風行水上渙先王以亨于帝立廟

冬月水澤腹堅巽風一行應時解散渙之

道也然渙之中必有聚焉亨帝於郊外也立廟祀祖內也周初生民時維姜嫄有母无父受氣於天受形於母



此天人之交也先王尊后稷以配天於郊而於廟禘祭之時虛位東向以象帝后稷西向配之祖可以陟於天聖人且以合之則莫不聚者矣

### 初六用拊馬壯吉

拊今本作極說文云古无極字今從子夏本○坎為馬而初為薄蹄未壯

也二為馬亟心而互震作足則壯矣拊順也承也以承二故壯○內三爻坎體皆在險中而待巽之渙者也初待四來渙其難而質柔在下无能自往必承二之互初震始能有行而吉不言渙者此時難猶未渙也

### 六之吉順也

言惟順於九二之故以釋卅字之義

### ○九二渙奔其机悔亡

机李作机非二互震馬壯故能奔机凡同人所凭以安者互艮象○二為坎主雖在難中而陽剛足以自立又互震動其才又足以有行正所謂乘互震之壯馬直往而奔之德在上有渙其難之志遂乘互震之壯馬直往而奔之

憑五以為安而悔乃於是乎亡矣

渙奔其机得願也

二之奔五謀出險也至而果可憑以

安其願得矣少康之奔有虞以之周之晉鄭焉依猶火也魏孝靜之奔宇文泰失所願矣

○六三渙

其躬无悔

坎至於三險已將出而與巽相接且變巽以從之并其身而渙之矣又何悔之有

渙

其躬志在外也

人莫患乎有己之私舍己從人已且渙之其志大公何所不渙

○六四

渙其羣元吉渙有丘匪夷所思

丘姚信作近夷句作弟○羣指初三二陰與四

皆陰故謂之羣邱互艮象同等稍降謂之夷巽長女坎中男巽上坎下象○外三爻巽體皆渙坎之難者也而四

為巽主渙必由之初三以陰難陽與四羣類而巽渙之不以為黨是誠得坤之元而順承天矣故吉且與互

艮以艮邱之高極坎陷之衆二即望其來極而以風散之思之所及也以邱濟之并非思之所及也渙其

羣元吉光大也

大哉乾元坤順承之斯光者大矣

○九

五渙汗其大號渙王居无咎

汗身之水亦坎象汗一出

號巽命象艮為闕門為閤寺王居象○此所謂王假有廟者三奔而來五奉之立宗廟王假於廟而建大名發

大令布大澤使渙散之衆咸知王居在此王居无咎正

位也

大位既正乃足以號令天下夏少康立於有虞漢光武即位鄴南唐肅宗即位靈武以之

○上

九渙其血

句

去逖出无咎

血坎象重險之卦此又變而成巽故坎難以渙是殺傷

之血惟此上九渙之也然奔而得机者二奉以假廟者五極陷溺而登之位者四上居其上操之縱之瞞之吸之功成而不居血一渙而即去脩然遠渙其血遠害也

人之害皆上遠之然功高者不賞震主者身危渙人之害而身轉惟其害矣夫不見風之鼓物而忽而藏者杳不知其所藏乎是能并己之功與名而渙之者也范蠡之不入越國庶幾似之矣

節

錯旅

綜渙

上易困

互頤

初九變坎

伏離

九二變屯

伏鼎

六三變需

伏晉

六四變兌

伏艮

九五變臨

伏遯

上六變

中孚

伏過

節亨苦節不可貞

其卦下兌上坎坎水下流兌澤受之使止故謂之節其與困異者困兌上

則絕其源此兌下但受其流上之源不已益科後進澤盈而溢必將復行故亨也惟上為三所止兩柔相敵有止无通則其節太苦不可為常耳此卦以五為主

節亨剛柔分而剛得中苦節不可貞其道窮也說以行

險當位以節中正以通然後乃亨也

然後乃亨句各本同今註疏本誤刻

入註郭京正之。以卦體卦德釋卦辭剛柔分之卦二十獨節與噬嗑言之電即雷之光澤即水之聚難分故言分也九二不言得中非其位也剛柔分之卦剛居五者十惟漸與此言得中漸之進易急節之貞易苦難中故舉中也坎剛與兌柔分則兌性之止未足變坎性之行而坎剛得位則坎體之行且足道兌體之止此節之所以亨五之所自為也惟上陰柔不能為行之主其道乃窮耳困之所可貞而節之苦不可貞者困之坎在下處臣民之位其處困宜貞節之坎在上居居人之位其制節當有道也蓋三為兌主五為坎主卦之名取澤之應節坎之流而卦之用在以坎之行通兌之阻夫所貴於兌者貴其互震以說行坎之險耳豈貴其互艮以塞

阻坎之通乎故必如五之當位以節中正以天地節而通然後乃亨也不然以苦為貞失所以亨矣

四時成節以制度不傷財不害民

春夏之時天地交而萬物生此卦兌正秋

坎正冬乃天地之節而四時所以成也然兌為陰終而坎為乾交於坤生生之根已在此矣故冬於四德為貞未嘗至苦而不可貞也王者法天地之節以制度服用有式補助時行既不以不節而傷財亦不以過節而害民時乎可用而用之於節之中即其通之用也

澤上有水節君子以制數度議德行

君子節以制度而度必有數大而九

賦九式細而衣服有章籩豆有列為多為寡各有等次所以定民志也至於存之心而為德見之身而為行則又數度所自出其間親親之殺尊賢之等一一議之而後制為度之數品節皆天理也豈有阻抑而不可行者

哉。朱氏曰：議德行節中於已，制數度節中乎民，愚謂制有定議，无定既制，以為節矣，而又議之，因時以為權，順物以為應，此其所以通也。

初九不出戶庭无咎

乾鑿度云：兌者日月出入之戶，月

始酉宜闔戶，凡奇曰戶，內曰戶，初爻象。內三爻皆以說節坎之險者，初自重坎一變而來成卦之主，初之澤未甚盈而坎水注之，亦未盛此當節而節，不出戶庭无咎也。故无咎。伊之耕莘，呂之釣渭，似之。

咎知通塞也

今本无无咎二字。言節之道在中正以通初不出而何以无咎，蓋說以行險必度

於出險之不易，尚口之必窮，非特无以節上之險，將并其身而陷之初之不出，乃正知通之有時，而今尚塞而未可易。○九二不出門庭凶。乾鑿度云：震者日月往來出故也。○九二不出門庭凶。乾鑿度云：震者日月往來

胡氏云二互震始艸將闢戶凡偶曰門外曰門二爻象  
○二之澤漸盈而五剛中在上與二同德象之下注益

多且互大塗可以出矣而守兌澤之  
壅遏不行是不當節而節者也故凶  
**不出門庭凶失時**

**極也**  
初之不出无咎而二之不出何以凶二為門庭已  
在外而可出當出不出知塞而不知通宜其凶矣

○六三不節若則嗟若无咎  
嗟兌口象○三之澤已盈  
而坎注之滿而必溢不節

若矣而三為說主見其不節則嗟之在  
其意固與上為无咎而不知不可貞也  
**不節之嗟又誰**

**咎也**  
說以行險道也而有此嗟豈復能說以行險乎恐  
與上同心而不免與上同失矣○節坎者兌就全

體言則以兌之說行坎之險就一  
爻言則以兌之塞阻坎之通也  
○六四安節亨  
外三

以坎之行通兌之止者四為坤體之初靜以待陽之  
自行則初雖不出戶庭而四之安自有以亨之矣  
**安**



節之亨承上道也

節之亨當屬之剛得中者四非中而何以亨蓋五為坎主中正以通而四

承之五中正而四之流已通五之通即四之通也大臣承流宣化似之

○九五甘節吉往

有尚

九五當位以節中正以通居險之中而行而不息不惟安之而且若有甚甘者則其身所居固吉而

其道之所行且能以坎之行通兌之阻二雖不出門庭而五之往實足以與兌之說相配是其中正之妙并足

以失時者通也甘節之吉居位中也

惟中故位當而以通○甘節如舜禹之有天下而不

與行有尚則地

○上六苦節貞凶悔亡

居險之極當節之終而應之者

又陰能靜而不能動能止而不能行其節苦矣故雖貞亦凶然而悔亡者其心固不自見其苦也子曰儉則固

與其不源也寧固苦節貞凶其道窮也

位既非中道不能甘上无所承

道不能安蓋坎之流能下及不能上出是其凶亦道之窮使然而非其失時之極也則固无可悔者矣

中孚 ䷼ 錯小過

綜 无

上易大過

互頤

初九變渙

伏豐

九二變益

伏恒

六三變小畜

伏豫

六四變履

伏謙

九五變損

伏咸

上九變節

伏旅

中孚豚魚吉利涉大川利貞

豚黃作避○其卦下兌上巽澤之氣自地以升於天

風之氣自天以及於地風感澤應皆動於不自知而此卦說主入主相接於中故謂之中孚而大象似離亦所謂已日乃信者孚之文象鳥伏卵卵陽在中母伏之月離自拆而出巽為難兌為折象豚魚形似豚生大澤中風將起則出隨風所向舟人謂之風信下互震舟浮澤上上互艮風亦自止利涉象○天地至誠物與无妄

誠感即誠應風將起而澤中之豚魚已知其將風感應之捷至於如此此中孚者必无不吉也即以涉難何患不濟而要二陰所以相孚者正以坤道之承天其用六者實利且貞也○此卦與小過相錯此取二陰之相孚小過何不取二陽之相孚小過陰得中陽勢已失也○然則何不以此名大過陽中有陰即於陽為未過也○

中孚柔在内而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎

天也

以卦體卦德釋卦辭巽兌皆乾體而索於坤得其初以為入得其上以為說而今二柔相遇於内則

其孚者柔為之而要惟乾體能以此二柔為用則所以孚者仍此二五之剛得中主之故不曰小孚而曰中孚其孚如此乃可化邦也夫豚魚澤物而為風信豈豚魚能自信哉乃風之信自天而下信及豚魚耳即互震之

乘木舟虛其利涉亦唯得乾初陽故則此巽兌之相孚者豈不以其坤道之利貞乃應乎乾德之剛哉卦本主二陰而於推而屬之二五不欲以陰主防也

澤上有風中孚君子以議獄緩死

兌秋金之肅巽春風之仁古者死刑待秋

乃決君子猶時有所議以緩其死秋殺之中未嘗不寓春生之仁必使死者與我兩无憾而後已此之謂中孚也高子羔之于刑者可謂能孚矣

初九虞吉有它不燕

燕蜀本作乙○虞鳥名一名固澤止於澤而不變兌象○初守其信

如虞之固守于澤其吉可知不然而一有他志則失其孚而不安矣或曰燕亂也春分而來不失其信依人堂字以為安不燕乃不信不初九虞吉志未變也

互震之動則變

安之象義亦可通而過巧

未入五體故未變不釋有  
它不燕初志實无他也

○九二鳴鶴在陰其子和之

我有好爵吾與爾縻之

縻古作縻京房作縻王弼作縻  
誤今從子夏陸績本○鶴色白

而喜陰霜降則鳴詩曰鶴鳴於九皋皋澤坎兌象鳴和  
兌口象縻縻繩象子指初不指五○二剛得中純潔自  
守若鶴鳴而初為之子同聲相應自必和之天性之親  
動於不自知也則凡仁義忠信之為天爵者孰非天性  
乎則有是好爵以孚於五其縻之者且固結而不可解  
矣或曰爵亦鳥名自簷隙入其性畏慎啄必屢顧故古  
人借為官職之名與

其子和之中心願也

自鳴其意无  
求於彼而彼自

應之我感以天彼  
亦應以天也

○六三得敵或鼓或罷或泣或歌

鼓互  
震象

罷互艮象泣歌重離象○六三當與上九為應而孚者  
在中二爻則以兌上陰遇巽下陰其所得者其敵也以

澤受氣而無互震之動互艮之止於是澤之聲忽震如鼓忽息而罷矣忽聲之悲如泣又忽樂如歌矣惟上所入而不能自主其所為貞者安在哉○孚在二陰而三不能孚者就全卦言則柔在內倚剛之得中就一爻言則三已上或鼓或罷位不當也

三與四俱得敵而四无咎三不能者四位正猶

上聽於五之中三位不正不肯退聽於二之中也

○六四月幾望馬匹亡无咎

幾京作近荀作既○兌為月至巽東南幾望象互震馬象巽與震匹馬匹象為艮狩魂又互艮止故亡○兌月之行至巽則幾望矣但巽者震之匹四居上卦不為互震而為互艮其為匹者不且亡乎然而无咎者五剛得中四所當聽命者也如馬匹亡絕類上也

絕六三之陰類而上從九

五之陽則不失應天之義故與三之但得其藏者異也

○九五有孚攣如无咎

卦體

之乎在三與四而所以有其乎者實在二五之剛得中而五尤中正故二方與五相廩而五相直與二為摩蓋廩但維繫之而摩更固結有孚孳如位正當也五之

正故以孚全歸之

○上九翰音登于天貞凶

翰羽也鷄鳴必先振翼故名翰音翼

為鷄又重離為日日精為鷄象上天位登天象○日至先天震位則與巽相感而鷄鳴鳴不失時亦中之孚也鷄三鳴而天明而日出幾疑中孚以利貞乃應乎天者莫過乎此然音可登天翰不可登天究非其實也故正亦翰音登于天何可長也隨風之音過耳即止即音不凶鳥之伏其孚者內也小過鳥之飛其過者外也故中孚莫吉於剛中之二又小過莫凶於上下之二又也小過之音以下遺為吉猶近實也中孚之音以上登為凶已涉虛也故君子心積於誠名戒其著

小過



錯

中孚

綜

无

上易頤

互大過

初六變豐

伏

六二變恒

伏

九三變豫

伏

九四變謙

履

六五變咸

損

上六變旅

節

小過亨利貞可小事不可大事飛鳥遺之音不宜上宜

下大吉

其卦下艮上震二陽坐困於四陰之中陰過乎陽故謂之小過但過者雖在小而陽之坐困者

原未嘗不亨蓋其行之而利守之而正固有道也夫小既過則宜小事不宜大事可知且卦體似鳥初上飛之飛不極於上則互兌之音猶可遺互巽之耳過上則不能矣今卦主上動下止處此坐困之地則不宜於動宜於靜理勢甚明安以處之則大之吉即大之亨得其貞即得其利也○四陽在中為大過何不以四陰在中為小



過陽能來陰小未過也凡二陽有一得中即能有為散處在外猶能相拯惟此聚困小者乃過然猶曰大吉終不使陰勝陽也

小過小者過而亨也過以利貞與時行也柔得中是以小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也

小過

下俞有亨字小事吉石經作可小事○以卦體卦象釋卦辭言小過之亨非小者以過為亨而處此小過者之能亨也蓋此卦二主內止外動必先順時而止之後乃可相時而動之其過以利貞者乃君子與時偕行之道也且小事之吉以二五之柔得中則陰原來自肆而不知節不可大事以三四之剛失位而不中亦陽所自斷

而非陰擅其權又飛鳥之象上二陰乘陽為逆下二陰承陽為順遽動則與逆為爭姑息則與順相保此所以宜下不宜上而大吉正與時行之道也○中孚以利貞為二陰之順乎天小過以利貞不為二陽之順乎地者陰貴順陽不貴順且陰主位陽主時時止而止時行而行究在陽不在陰也

山上有雷小過君子以行過乎恭喪過乎哀用過乎儉雷在天上陽氣發舒是天者壯此僅在山上陽為陰用發不能高是小者過君子當此宜小可知行過乎恭界狀之至喪過乎哀幽墨之至用過乎儉樽節之至所謂過以利貞如此○大壯之君子非禮勿履其道弘此之過與時行其心小朱子云三者之過皆過於小且亦可小過不可大過也

初六飛鳥以凶

中二爻實為鳥身外四爻間為鳥翼凡鳥身巨翼短飛不能高身小翼長則飛

易上是此卦之為飛鳥初與上飛之而小之所以過亦初與上過之也但內三爻艮體所謂下順而宜下者也初宜順時而止今以上處動極亦隨而飛是飛鳥以凶飛非自主有以之者也上災肯而初亦凶矣

不可如何也

似有不可如何者勉強徇人失已甚矣

○六二過其祖遇其

妣不及其君遇其臣元咎

後天艮震相連故言遇○小過彖得中故二過而不過卦

惟二陽以家言之則三父四祖其五陰則祖之妣矣以國言之則三止主本國之君四動主隣國之君五陰又隣之臣矣今二與五應是舍祖而遇妣舍君而遇臣也然五柔得中非凌祖之妣抗君之臣二即與之遇可以无咎所謂小不及其君臣不可過也

既言過其祖何不

事吉如此及蓋臣不可過其君雖外臣猶凜之立言之體當如是也

○九三弗過防之從或戕

之凶

小過剛失位而不中故三四兩爻皆言弗過剛已弗過矣而三為止主卦之所以亨利貞全在於此

則於初上之飛極力防之乃其道也苟以陽位見四之能動且因互巽遂為所牽而從之則互兌毀折必有因

而戕之者矣

從或戕之凶如何也

初陰不能自主也三為止主而妄從人以

至於凶將如何哉使早思之庶不至於无如何也魯昭公聽邱昭伯而奔齊似之

○九四无咎

弗過遇之往厲必戒勿用永貞

外三爻震體所謂上逆而不宜上者四與三皆

自乾來同心无咎而當失位之時適與三遇喜其得助遂欲動而上往則違不可大事之戒其危可知猶幸居陰是必戒之而勿用其往乃永貞弗過遇之位不當也也四為動主故以其貞者特明之

往厲必戒終不可長也

其所以以相遇為幸者正以皆失位之故殊不知時未可為則

靜以待時正動而有為之本且上六災眚小者之過終不可長大者之吉行有日也何不止待而以往致厲乎

故必○六五密雲不雨自我西郊公弋取彼在穴兌為

雲兌象互兌同西郊亦兌象彼指二弋互巽繩象卦體重坎有弓象在穴艮山中空象○公言我文考在西郊

時小人道長正小過之世也豈不欲雲行雨施為陽德之大亨哉而商之陰亢而上必不能為雨是時未可大


事公但弋取麋穴之賢以相助若膠鬲舉於魚鹽泰顛興於且兌此二之所以來遇而亢然也○兌澤宜雨而

小畜小過皆不雨小畜陽上陰欲止之而不能其不和在陽此陽方困陰不欲與陽為和其不和在陰也密

雲不雨已上也上鄭作尚郭京謂上當作止非○上逆而不下五雖未若彼上之亢而亦已過

於上○上六弗遇過之飛鳥離之凶是謂災眚飛艮本相遇上

與三正應猶室相遇而乃弗遇正以處小過之世自恃其過而弗與遇也與初偕飛飛至極高之地并與相離謂災眚者猝遇罡風骨肉皆靡弗遇過之已亢也崔誠而下強臣之禍於是乎極矣遇哉其極亢之志自處於至逆耳○弗過而遇之者陽出而求得勿遇而過之者陰亢而并失序也

既濟  錯綜易互皆未濟

初九變蹇

伏

六二變需

伏

九三變屯

伏

六四變革

伏

九五變明

伏

上六變家人

伏

既濟亨小

句

利貞初吉終亂

其卦下離上坎火炎上而居下則其氣下行水潤下

而居上則其氣上騰故為既濟既濟則已大亨而反言小者亨至无可復加即已小也於斯時也陰陽交錯各

得其所豈有不利豈有不貞然能如初體之離則明以  
濟陰宜其吉也苟如終體之坎則水以滅火不其亂乎  
蓋氣欲其通質欲其辨也陸氏續曰初之陰陽以氣交  
故吉終則成質水能滅火故凶○既未二卦皆以坎中  
陽為主離中陰為用既濟去其上未濟去其初皆成重  
離反之則成重坎故既濟不善在上未濟不善在初

既濟亨小者亨也利貞剛柔正而位當也初吉柔得中

也終止則亂其道窮也

郭京謂當有兩小字非侯果李鼎祚俱作當位○以卦體釋卦

辭言此亨小非謂亨者尚小亦非謂亨者在小乃正就其亨言之也六爻皆相應皆得位利貞如此非既亨而能然乎然如離之柔得中則明足濟險而吉苟如坎上之險險而止則其道窮矣是雖亨而亨已小者也○

水在火上既濟君子以思患而豫防之

以水之潤濟火之炎所謂吉者

在此然以水滅火所謂凶者亦即在此天下之患每生於所恃伏於所安所謂居以此始亦以此終必早思而豫防之乃庶幾无患也患者坎之陷思者離之明豫防則若三之克四之戒也

初九曳其輪濡其尾无咎

凡坎為輪為曳二以上互重坎

垂之此出重坎外如曳輪以登於陸既登既垂其尾猶近重坎故尾濡○內三爻明體皆能濟險者也初之陽

剛能曳濟水之輪以登於陸登陸則前後高曳其輪義下故尾一垂而已濡然而已濟矣故无咎也

无咎也

濡其尾豈云无咎然以曳輪登陸而濡尾則以義寬之可也○此既濟之初小不慎不至於敗

○六二婦喪其茀勿逐七日得

馬融作茀荀爽作轂今

從鄭氏○第方文竹簞后夫人以翟羽飾之離為雉坎為輿翟第象又互坎盜喪象○離坎本正配而未濟男



之窮則既濟女之正二為離主故特以婦稱之男乘坎之輿以相迎女乘互坎之輿以從往禮所稱男率女女從男夫婦之義由此始者也雖互坎之盜或從旁竊其節而正應既合則不必事於追逐至七日而自得矣

七日得以中道也

二為明主正所謂柔得中者以是與剛中之九五相應所以能濟全在於

此豈互坎所得而間哉○二爻方濟之始

○九三高宗伐鬼方三年克之小

人勿用

高宗商王武丁也離體將盡象離甲冑戈兵伐象坎為隱伏鬼方象二與四互坎小人在側象

○上六陰之終險之極卦之所以終亂在此必伐而去之乃成重明之治而此又明體將盡猶可有為如高宗之克鬼方也然自此而上即成互坎蕭牆之地小人伏焉以離明昭之而勿用亦君子思患豫防之一道也

三年克之憊也

憊陸續作備○商自成湯賢聖之居六七作至武丁已為日昃之離竭三年之

力乃克鬼方亦困救矣蓋自是而商不復四征也○此既濟之後將趨於衰而猶能自振者其振以九陽道也錢

氏曰豈特國家治亂君子小人之辨哉學者明暗之間人鬼之關也一日苟安得乎非不知力之疲自有所不

得已○六四繻有衣袽終日戒○繻子夏王虞作襦馬耳○六四繻有衣袽終日戒○繻子謂當作濡袽

子夏作茹京房許慎作絮今從王弼本○許慎曰繻繻采也○初繻絮也○乾乎坤黃乾衣坤裳既濟六爻乾坤

相問而四居其中天地之美具焉故繻之美四自有一而四以柔居柔能知富有之不可恃而止服繻絮深以

前離之盡為終日之戒焉亦君子思患豫防之一道也○程子謂坎水多濡濡則滅火故雖終日而不忘戒備於

象甚○終日戒有所疑也○坎之險出彼入此能无疑乎于合

其疑而慎之自不得不為終日之戒矣○此既濟○九之後將趨於衰而猶能自謹者其謹以六陰道也○九

五東鄰殺牛不如西鄰之禴祭實受其福

先天離東坎西離為牛坎

克之殺牛象坎為豕薄於牛又坎為酒食禴祭象坎用二

方盟又離復互離以濟之是下之濟已過而上之濟方

自武丁以後商日衰東鄰殺牛不如西鄰之時也實受

其福吉大來也

大明謂陽五為坎主而三以五而來則重

歸於西矣。此既濟之後將有代

上六濡其首厲

坎


上濡首象。濟坎者離上出正離互離之外則

濡其首

厲何可久也

初之尾濡不久已登於陸上之首濡乃安

久瞻之。○此既濟之後而昏然罔覺。无能自謹者也。

未濟  錯綜易互皆 既濟

初六變睽

伏蹇

九二變晉

伏蹇

六三變鼎

伏屯

九四變蒙

伏革

六五變訟

伏夷

上九變解

伏家人

未濟亨小狐汔濟濡其尾无攸利

其卦下坎上離水火不交故為未濟坎為

狐在初小狐象

既濟下離非狐也

○未濟則未亨而憂其未

濟則終必濟故亨然如上體之離以出險則必濟也若

如初體之小狐甫入水而已濡其尾復何所利乎○鄭

氏曰老狐多畏履冰而聽恐陷也小狐未知戒而輕進

故濡尾天下事恒以老成練達進

以少年輕銳敗小狐之垂戒深矣

未濟亨柔得中也小狐汔濟未出中也濡其尾元攸利

不續終也雖不當位剛柔應也

以卦體釋卦辭坎險之濟在上體之明其柔之

得中以麗剛也若如初之柔則方陷其中之剛而未出若小狐入水甫入而尾已濡其力豈能相濟而有終乎但六爻雖不當位而剛柔相應則猶可以有為蓋陰必從陽柔必麗剛未濟之亨其用在離之明其力究在剛之中以行正也○又王之終於未濟天道也孔子彖傳終於剛柔應示人以補救之方也人苟協心天下事无不可為也○離用坤之中坎用乾之中水上火下水火交矣然乾之用已上坤之用已下其交也其不交也此既濟之所以終亂也坎上水下火水不交矣然乾之用已下坤之用已上其不交也其交也此未濟之所以可亨也

火在水上未濟君子以慎辨物居方

乾坤交而萬物生方以類聚物以羣

分離代乾而居上坎代坤而居下上下各居其所天道之自然也君子法之慎辨其物使之羣分慎居其方使之類聚人道之當然也○帝釐下土方設居方堯舜之事業也仲尼大象傳終此其有平天成地之思乎老安少懷萬物各得其所仲尼之志堯舜之業也皆以天地為量也

初六濡其尾吝

濟坎者離初在正離互離之下卦之不濟獨此一爻故以象濡其尾屬之明此

之為小濡其尾亦不知極也

朱子疑韻不叶改極為敬按此音讀如○未嘗不叶

○極終也險之難濟二猶曳輪而初遽濡尾亦不知其終之必不能續矣○此未濟之時不度德不量力急求濟而終不濟者○九二曳其輪貞吉

二為坎主又互離之始剛中有濟險之才德而又見

險而不遽進善於待時也故正而吉○既濟之初正離  
之始未濟之二互離之始故皆以曳輪屬之明曳坎之  
輪使不終陷必離也但既濟九二貞吉中以行正也  
之初已濟此方謀所以濟耳九二貞吉中以行正也  
居九

二非正而中以行之以互離之明為濟險之  
道而五之以柔中為亨者二亦亨之矣○六三未濟

征凶利涉大川

六三在正坎互坎之交亦在正離互離  
之交濟與不濟皆決於此從初之濡尾

則坎以互坎征而必凶者此也從二之曳輪則互離以  
先離其利涉大川者亦此也又有兩象故並著之○既  
濟六爻皆不言既濟蓋言既濟則已向於衰君子之所  
不敢矜言也未濟於三爻一言未濟蓋此以上未濟其  
下即能濟君子未濟征凶位不當也  
以不當位故征凶  
之所願望也  
以征凶故未濟此  
因未濟而別言之然雖不當位而剛柔相應未嘗  
不可亨則所以利涉大川者固有道在人自為耳○九

四貞吉悔亡震用伐鬼方三年有賞於大國

鬼方指坎初六○又

言貞吉者三皆不當陰陽之位五之貞吉為離主也二與四之貞吉以互離也互離以先離則坎之險早濟矣故位不當宜悔而以互體之正亡之特必有奮發之志如伐鬼方之用震且必期其成如三年之有賞也古者天子用兵必命方伯連帥即親征諸大國必以兵從故賞及之○既濟之九三不言貞貞不待言也此之互離乃真以義正矣故特言貞九三不言震既濟功已成此方始其事非震不行也九三言勿用小人此言有賞大國既濟功成則志易滿防小人得以驕志中之此方圖功恐賞不信則民不勸也

貞吉悔亡志

行也

濟事未濟也而志與二互離以行正則必濟矣○既濟之功莫高於三未濟之功莫斷於四既濟之三

在正離之終故憂其力之疲未濟之四在互離之上故喜其志之決於此能決則必不入險而能出險矣○



既濟之四可互重坎故戒其疑  
未濟之四可互重離故慶其震  
○六五貞吉无悔君子

之光有孚吉

離藏已坎藏戊皆主信故有孚○五為明主自其居中得位言則有貞而吉不為六

三所牽而成坎則其悔自无其明之德自內達外而四與上同其光且與二相應而有孚者并化為重明也如

是則誠君子之光其暉吉也

日正中而光初出曰暉離居上卦而五正中固有光


莫其與二相應而互為離者并二為日初出之暉其有孚者不更吉乎此剛柔之應所以孚而二之中以行正者亦以孚而行也○此二爻皆未濟之所以終濟者九四之震陽道六五之孚陰道也○上九有

孚子飲酒无咎濡其首有孚失是

飲酒坎象濡首坎上象○上與三正應三

有兩象故上亦有兩象孚於三之互離以先離則鬼方既伐歸而飲至大國之賓及於三而上之與飲酒為无

咎矣若乎於三之坎上復互坎則濡其首者固  
坎上也未濟征凶而我乎之其失不在是乎  
飲酒濡首亦不知節也飲酒可也濡首不太甚乎初為小狐以  
以應三之故戴胥及溺焉其不知節亦可怪也已



周易洗心卷四